

ՀԱՇՎԵՏՎՈՒԹՅՈՒՆ

ՀՀ Վայոց ձորի մարզպետի աշխատակազմի կրթության, մշակույթի և սպորտի վարչության (2025թ. 2-րդ կիսամյակ)

ՀՀ Վայոց ձորի մարզպետի աշխատակազմի կրթության, մշակույթի և սպորտի վարչությունը համակարգում և աջակցում է մարզային ենթակայությամբ **44 հանրակրթական ուսումնական հաստատությունների և 3 մարզային մշակութային ՊՈԱԿ-ների** գործունեությունը /Եղեգնաձորի երաժշտական դպրոց, Եղեգնաձորի երկրագիտական թանգարան, Եղեգնաձորի մշակույթի կենտրոն/:

Աջակցում է նախարարության ենթակայությամբ 3 պետական հանրակրթական ուսումնական հաստատությունների / *Եղեգնաձորի վարժարան, Վայքի ավագ դպրոց, Ջերմուկի կրթահամալիր*/ և համայնքային ենթակայությամբ գործող նախադպրոցական, մշակութային և մարզական հաստատությունների ՀՀ օրենսդրության պահանջներին համապատասխան գործունեություն ծավալելու գործընթացին:

ՀՀ Վայոց ձորի մարզում առկա են 19 նախադպրոցական ուսումնական հաստատություններ:

Եղեգնաձոր համայնք – 8 ՆՈՒՀ / նախադպրոցական ուսումնական հաստատություն/

1. <<Վերնաշենի մանկապարտեզ>> ՀՈԱԿ
2. <<Գլաձորի մանկապարտեզ>> ՀՈԱԿ
3. <<Եղեգնաձոր համայնքի թիվ 2 մսուր մանկապարտեզ>>ՀՈԱԿ
4. <<Եղեգնաձոր համայնքի թիվ 5 մանկապարտեզ>> ՀՈԱԿ
5. <<Մալիշկայի թիվ 1 մանկապարտեզ>> ՀՈԱԿ
6. <<Մալիշկայի թիվ 2 մանկապարտեզ>> ՀՈԱԿ
7. <<Եղեգնաձոր համայնքի թիվ 1 մանկապարտեզ>> ՀՈԱԿ
8. <<Գետափի «Արևիկ» մանկապարտեզ>> ՀՈԱԿ

Արենի համայնք - 6 ՆՈՒՀ

1. <<Արենի համայնքի Ագարակաձոր բնակավայրի «Արևիկ» մանկապարտեզ>> ՀՈԱԿ
<<Արենի համայնքի Ագարակաձոր բնակավայրի «Արևիկ» մանկապարտեզ>> ՀՈԱԿ-ի մասնաճյուղ Խաչիկ բնակավայրում
2. <<Արփիի մանկապարտեզ>> ՀՈԱԿ
3. <<Աղավնաձորի մանկապարտեզ>> ՀՈԱԿ
4. <<Ռինդի մանկապարտեզ>> ՀՈԱԿ
5. <<Լիսա Գրիգորյանի անվան>> ՀՈԱԿ մանկապարտեզ
6. << Արենի համայնքի Ելփին բնակավայրի մանկապարտեզ>> ՀՈԱԿ

Վայք համայնք - 3 ՆՈՒՀ

1. <<Զառիթափի մանկապարտեզ>> ՀՈԱԿ
2. <<Վայքի թիվ 1 մանկապարտեզ>> ՀՈԱԿ
3. <<Վայքի թիվ 3 մանկապարտեզ>> ՀՈԱԿ

Ջերմուկ համայնք - 2 ՆՈՒՀ

1. <<Զատիկ» մանկապարտեզ>> ՀՈԱԿ
<<Զատիկ>> մանկապարտեզ» ՀՈԱԿ-ի մասնաճյուղ Կեչուտում
- 2.<<Գնդեվազի մանկապարտեզ>> ՀՈԱԿ

ՀՀ Վայոց ձորի մարզում համայնքային ենթակայությամբ գործում են.

3 մանկապատանեկան մարզադպրոց.

- 1.Վայք համայնքի մանկապատանեկան մարզադպրոց,
- 2.Եղեգնաձորի մանկապատանեկան մարզադպրոց,
- 3.Մալիշկայի մարզադպրոց

1 մարզամշակութային կենտրոն Ջերմուկ համայնքում:

ՀՀ Վայոց ձորի մարզում գործում են.

2 թանգարան՝

1. «Գլաձորի պատմամշակութային արգելոց-թանգարան»՝ ՀՀ կրթության գիտության մշակույթի և սպորտի նախարարության ենթակայությամբ:
2. Եղեգնաձորի երկրագիտական թանգարան՝ մարզային ենթակայությամբ:

1 երաժշտական դպրոց Եղեգնաձոր քաղաքում՝ մարզային ենթակայությամբ:

4 արվեստի դպրոց՝ համայնքային ենթակայությամբ:

1. Աղավնաձորի Մուրադ Սարգսյանի անվան արվեստի դպրոց
2. Ջերմուկ համայնքի Ռոմանոս Մելիքյանի անվան արվեստի դպրոց
3. Ջերմուկ համայնքի Շառլ Ազնավուրի անվան արվեստի դպրոց
4. Վայք քաղաքում՝ Խ. Ներսիսյանի անվան արվեստի դպրոց

2 պատկերասրահ՝ Եղեգնաձոր և Ջերմուկ քաղաքներում:

2 ՄՄԿ (մանկապատանեկան ստեղծագործական կենտրոն)՝ Վայք և Եղեգնաձոր քաղաքներում:

1 գեղարվեստի դպրոց՝ Եղեգնաձոր քաղաքում:

1 տարածաշրջանային պետական քոլեջ Եղեգնաձոր քաղաքում

1 կրթահամալիր Ջերմուկ քաղաքում /2025 թ. սեպտեմբեր ամսին աշակերտների թիվը՝ 382/,
1 ավագ դպրոց Վայք քաղաքում / 2025 թ. սեպտեմբեր ամսին աշակերտների թիվը՝ 200/ ,
1 վարժարան Եղեգնաձոր քաղաքում , /2025 թ. սեպտեմբեր ամսին աշակերտների թիվը՝ 343/,
13 հիմնական և 31 միջնակարգ դպրոցներ /2025 թ. սեպտեմբեր ամսին աշակերտների թիվը՝ 6020)

Ընդամենը մարզում՝ 6945 սովորող 2025 թվականի սեպտեմբեր ամսվա դրությամբ

ՀՀ կառավարության կողմից բամաթիվ ծրագրեր են իրականացվում կրթության ոլորտում:

Վերանորոգվում են ուսումնական հաստատությունների շենքեր, կառուցվում են նորերը:

/ՀՀ կառավարության 2023 թվականի նոյեմբերի 30-ի N 2093-Ն որոշում/

Կառուցվել է 3 դպրոց

1. Եղեգնաձորի թիվ 1 հիմնական

/ աշակերտների թիվը՝ 595, դպրոցի նախագծային հզորությունը՝ 432/

2. Գոմքի միջնակարգ

/ աշակերտների թիվը՝ 31 , դպրոցի նախագծային հզորությունը՝ 100/

3. Եղեգիսի միջնակարգ

/ աշակերտների թիվը՝ 39 , դպրոցի նախագծային հզորությունը՝ 100/

Կառուցվում են 4 կրթահամալիրներ.

- 1. Արտաբույնքի կրթահամալիր** / աշակերտների թիվը՝ 113, Կրթահամալիրի նախագծային հզորությունը՝ 144, Կրթահամալիրի մանկապարտեզի նախագծային հզորությունը՝ 80/ - **աշխատանքները դեռ չեն սկսվել**
- 2. Արփիի կրթահամալիր** / աշակերտների թիվը՝ 147, Կրթահամալիրի նախագծային հզորությունը՝ 144 , Կրթահամալիրի մանկապարտեզի նախագծային հզորությունը՝ 40 /
- 3. Մարտիրոսի կրթահամալիր** /աշակերտների թիվը՝ 59 , Կրթահամալիրի նախագծային հզորությունը՝ 144, Կրթահամալիրի մանկապարտեզի նախագծային հզորությունը՝ 80 /
- 4. Քարազլիի կրթահամալիր** / աշակերտների թիվը՝ 77, Կրթահամալիրի նախագծային հզորությունը՝ 200, Կրթահամալիրի մանկապարտեզի նախագծային հզորությունը՝ 80/

Կառուցվում են դպրոցներ.

- 1. Ջիվայի միջնակարգ** / աշակերտների թիվը՝ 57 , դպրոցի նախագծային հզորությունը՝ 150, նախակրթարան՝ 20 տեղ /
- 2. Գեփափի միջնակարգ դպրոց** / աշակերտների թիվը՝ 266, դպրոցի նախագծային հզորությունը՝ 288/
- 3. Արենիի միջնակարգ դպրոց** / աշակերտների թիվը՝ 310, նախագծային հզորությունը՝ 432/
- 4. Վայքի հիմնական դպրոց** **աշխատանքները դեռ չեն սկսվել**

Վերանորոգվում և հիմնանորոգվում են դպրոցներ.

- 1. Շատինի միջնակարգ դպրոց**
- 2. Զերմուկի Մ. Գորկու անվան թիվ 1 հիմնական դպրոց**
- 3. Մալիշկայի Մ. Լոմոնոսովի անվան միջնակարգ դպրոց**
- 4. Եղեգնաձորի Հ. Հովհաննիսյանի անվան թիվ 2 հիմնական դպրոց**
- 5. Ռինդի միջնակարգ դպրոց**
- 6. Գլաձորի միջնակարգ դպրոց**
- 7. Զառիթափի միջնակարգ դպրոց**

Ուսումնական տարվա ընթացքում այցելություններ են կատարվել մարզի հանրակրթական ուսումնական հաստատություններ՝ ուսումնադաստիարակչական աշխատանքների համակարգման, դպրոցավարությանն անհրաժեշտ փաստաթղթերին և գործառույթներին ծանոթացման, դասալսումների իրականացման, անհրաժեշտ մեթոդական և խորհրդատվական աջակցության տրամադրման նպատակով:

2025 թվականի նոյեմբեր ամսին մեկնարկել են 2025-2026 ուսումնական տարվա դպրոցականների առարկայական օլիմպիադաները՝ համաձայն՝ ՀՀ Կրթության, գիտության, մշակույթի և սպորտի նախարարի ՀՀ 2025-2026 ուսումնական տարվա Հայաստանի Հանրապետության հանրակրթական առարկայական օլիմպիադաների (Մաթեմատիկա, Ֆիզիկա, Աստղագիտություն, Կենսաբանություն, Ինֆորմատիկա/ ՀՀ Թվային գրագիտություն և համակարգչային գիտություն>>/ Քիմիա, Աշխարհագրություն, Մայրենի/ ընթերցանություն/, Հայոց լեզու, Հայ գրականություն, Պատմություն, Անգլերեն, Գերմաներեն, Ռուսաց լեզու, Ֆրանսերեն, Նախնական զինվորական պատրաստություն/ <<Ֆիզիկական կրթություն և անվտանգ կենսագործունեություն>>/) կազմակերպման, անցկացման, բողոքարկման ընթացակարգերը և ժամանակացույցը հաստատելու մասին>> N2479-Ա/2 հրամանով հաստատված ընթացակարգի և ժամանակացույցի:

Վայոց ձորի մարզից դպրոցական փուլին գրանցված աշակերտներ

թվային տվյալները / 2025-2026 ուսումնական տարի/

Հ/Հ	Մաթեմ	Ֆիզիկա	Աստղ	Կենսաբ	Ինֆորմ	Քիմիա	Աշխարհ	Հլեզու	Հգրակ	Մայրենի	Պատմ	ՆԶՊ	Ռլեզու	Անգլ	Ֆրանս	Գերման	Ընդ
Ընդ.	945	136	7	158	66	105	145	376	264	400	202	227	262	217	26	23	3559

2025-2026 ուսումնական տարվա դպրոցականների առարկայական օլիմպիադայի 2-րդ փուլը կանցկացվի համաձայն ժամանակացույցի, որը կմեկնարկի հունվարի 15-ին :

Կրթական գործընթացի որակը էականորեն կախված է ուսուցչական անձնակազմի դասավանդման մեթոդիկայից և գիտելիքների մակարդակից: Այս առումով կարևորվել է նրանց մասնագիտական և մանկավարժական վերապատրաստումը և ատեստավորումը: Այդ նպատակով իրականացվել են վերապատրաստումներ տարբեր ուղղություններով: Մասնավորապես՝ <<Առողջ ապրելակերպ>> պարտադիր խմբակի դասավանդողների վերապատրաստման դաընթացներ, ՀՀ ԿԳՄՍՆ «Կրթական ծրագրերի կենտրոն» ԾԻԳ-ի կողմից <<Կրթության բարելավման ծրագրի լրացուցիչ ֆինանսավորում>> ծրագրի շրջանակերում հանրակրթական ուսումնական հաստատությունների ուսուցիչների համար նախատեսված գենդերազգայուն և գենդեր-արձագանքող կրթության վերաբերյալ վերապատրաստումներ: ՀՀ Վայոց ձորի մարզի թվով 20 հանրակրթական ուսումնական հաստատություններին ՀՀ ԿԳՄՍ նախարարության <<Կրթական ծրագրերի կենտրոն>> ԾԻԳ-ի կողմից տրամադրվել են անհրաժեշտ լաբորատոր սարքավորումներ: ՀՀ Վայոց ձորի մարզի հանրակրթական ուսումնական հաստատությունների ուսուցիչների համար ուսումնական գործընթացում լաբորատոր սարքավորումների կիրառման ուղղությամբ կազմակերպվել և իրականացվել են վերապատրաստումներ՝ յուրաքանչյուր ուսումնական հաստատության 5 ոլորտի (քիմիա, կենսաբանություն, ֆիզիկա, աշխարհագրություն և թվային գրագիտություն և համակարգչային գիտություն) ուսուցիչների համար:

ՆԶՊ-ի ուսուցմանն արդյունավետ նախապատրաստվելու նպատակով՝ անցկացվել են ՀՀ Վայոց ձորի մարզի հանրակրթական դպրոցների զինղեկների եռօրյա ուսումնամեթոդական հավաքներ:

2025 թվականի սեպտեմբեր–հոկտեմբեր ամիսներին դպրոցների «Նախնական զինվորական պատրաստություն» առարկայի ուսուցիչների /զինղեկ/ համար ՀՀ ՆԳՆ կրթահամալիրի կողմից իրականացվել են աղետների ռիսկի կառավարման և ճգնաժամային իրավիճակներին արձագանքելու վերապատրաստման դասընթացներ հեռավար ձևաչափով, որից հետո յուրաքանչյուր զինղեկ նույն վերապատրաստումն անցկացրել է դպրոցի անձնակազմի շրջանում:

Հանրակրթական ուսումնական հաստատությունների 8-11-րդ դասարաններում «Մասնագիտական կողմնորոշում» խմբակի ներդրմանն աջակցելու նպատակով «Աշխատանքի և սոցիալական հետազոտությունների ազգային ինստիտուտ» ՊՈԱԿ-ի «Մասնագիտական կողմնորոշման և կարողությունների զարգացման կենտրոն» մասնաճյուղի կողմից կազմակերպվել է մանկավարժների վերապատրաստում:

Մասնագիտական կողմնորոշման նպատակով՝ «Քո արվեստը դպրոցում» ծրագրի շրջանակներում, 2025թ. նոյեմբեր ամսին մարզի դպրոցների աշակերտների մասնակցությամբ հանդիպումներ են անցկացվել անվանի մշակութային գործիչների, արվեստագետների հետ:

1. ՀՀ Վայոց ձորի մարզի 8 դպրոցներից 100 աշակերտներ Վայքի հիմնական դպրոցում հանդիպում ունեցան Մարինե Օթարյանի հետ:

2. ՀՀ Վայոց ձորի մարզի 7 դպրոցներից 100 աշակերտներ Եղեգիսի միջնակարգ դպրոցում հանդիպում ունեցան Գոռ Ղուկասյանի հետ:

Մասնագիտական կողմնորոշման նպատակով՝ ՀՀ Վայոց ձորի մարզի հանրակրթական ուսումնական հաստատությունների ավարտական դասարաններում սովորող ավելի քան 300 աշակերտների համար 2025 թ հոկտեմբերի 20-ից 24-ը իրականացվել է ճանաչողական այց ՀՀ ՊՆ Վ. Սարգսյանի անվան ռազմական ակադեմիա:

Մասնագիտական կողմնորոշման նպատակով՝ ՀՀ ՊՆ Մոնթե Մելքոնյանի անվան ռազմամարզական վարժարանի ներկայացուցիչների հետ հանդիպումներ են կազմակերպվել ՀՀ Վայոց ձորի մարզի հանրակրթական ուսումնական հաստատությունների սովորողների հետ:

Մարզի հանրակրթական ուսումնական հաստատություններում պատանիների ռազմահայրենասիրական դաստիարակության համար իրականացվել են տարաբնույթ միջոցառումներ, ռազմամարզական խաղեր, որոնք նպատակաուղղվել են սովորողների մեջ հայրենասիրության արմատավորմանն ու խորացմանը:

Վայոց ձորի մարզի հանրակրթական ուսումնական հաստատություններում անցկացվել են շարադրությունների մրցույթներ, կազմակերպվել են սպորտային, գեղագիտական, մշակութային, ստեղծագործական միջոցառումներ, որոնք մեծապես նպաստել են դպրոցականների համակողմանի դաստիարակությանը:

Ստորև ներկայացվում են մի շարք միջոցառումներ, որոնց մասնակցել, կամ կազմակերպման և համակարգման աշխատանքներում ներգրավված է եղել ՀՀ Վայոց ձորի մարզպետի աշխատակազմի կրթության, մշակույթի և սպորտի վարչությունը:

Վայոց ձորի մարզում տեղի է ունեցել ուսումնական տարվա մեկնարկին ընդառաջ օգոստոսյան խորհրդակցությունը

Օգոստոսի 21-ին , 2025-2026 ուսումնական տարվա մեկնարկին ընդառաջ, Վայոց ձորի մարզի Եղեգնաձորի թիվ 1 հիմնական դպրոցում տեղի է ունեցել ամենամյա օգոստոսյան խորհրդակցությունը մարզի հանրակրթական դպրոցների տնօրենների, վարչատնտեսական մասի համակարգողների, նախադպրոցական ուսումնական հաստատությունների և արտադպրոցական ուսումնական հաստատությունների տնօրենների, Տարածքային մանկավարժահոգեբանական աջակցության կենտրոնի ներկայացուցիչների մասնակցությամբ:

Մինչ խորհրդակցությունը հյուրերը և մասնակիցները շրջել են «Կրթական էքսպո» ցուցահանդեսի տաղավարներով, որտեղ ներկայացվել էին մարզի դպրոցների լավագույն նախագծային աշխատանքները: Նրանք նախագծերում ընդգրկված աշակերտների հետ զրուցել են աշխատանքների ընթացքի, վերջնարդյունքների, ընձեռած հնարավորությունների մասին:

Օգոստոսյան խորհրդակցությունը մեկնարկել է ԿԳՄՍ նախարարության կողմից իրականացվող ««Տարվա լավագույնները» 2024-2025» մրցույթի շրջանակում «Ամսվա լավագույնները» ճանաչված վայոցձորցի մանկավարժների՝ ԿԳՄՍՆ նախարարության կողմից տրված շնորհակալագրերի հանձնման արարողությամբ:

Խորհրդակցության ընթացքում ԿԳՄՍ նախարարի տեղակալ Արաքսիա Սվաջյանը անդրադարձել է ոլորտի մի շարք հարցերի, որոնք առնչվում էին ուսումնական գործընթացի կազմակերպման առանցքային խնդիրներին, նոր դասագրքերին, հանրակրթության նոր չափորոշիչին , ԲՏՃՄ լաբորատորիաների ներդրմանը և դրանց արդյունավետ կիրառմանը, 4-րդ և 9-րդ դասարաններում քննությունների նոր ձևաչափին, խմբակների և երկարօրյա ծառայության բարելավմանը, ուսուցիչների կամավոր ատեստավորմանը և տարակարգի տրամադրմանը, նախագծային աշխատանքների կազմակերպմանը, նախակրթարաններում ուսուցման կազմակերպմանը, ֆինասավորման մոդելին, խելամիտ հարմարեցումներին, հաստիքացուցակներին, ուսուցիչների՝ կարիքի վրա հիմնված վերապատրաստումներին և այլն:

Արաքսիա Սվաջյանը նշել է, որ 2025-2026 ուսումնական տարին հայտարարվելու է «Անվտանգ և ապահով կրթական միջավայրի տարի» , որի վերաբերյալ կտրամադրվի համապատասխան ուղեցույց, և յուրաքանչյուր ամիս դպրոցներում կկազմակերպվեն թեմատիկ միջոցառումներ՝ նպատակ ունենալով ստեղծել բոնությունից զերծ, առողջ և պաշտպանված կրթական մթնոլորտ:

Տեղեկացվել է, որ նոր ուստարում հանրակրթության պետական չափորոշիչը ներդրված կլինի 1-11-րդ դասարաններում, իսկ վերջին՝ 12-րդ դասարանում այն կներդրվի հաջորդ տարվանից:

Խորհրդակցության ընթացքում անդրադարձ է եղել նաև նախադպրոցական ուսումնական հաստատությունների և արտադպրոցական ուսումնական հաստատությունների խնդիրներին, սպասվող փոփոխություններին, օրենսդրական կարգավորումներին և այլն:



Սեպտեմբերի 1-ը՝ Գիտելիքի և դպրության տոն

Սեպտեմբերի 1-ին մեկնարկեց նոր ուսումնական տարին. խորհրդանշական զանգի ազդարարմամբ և տոնական միջոցառումներով ուսումնական հաստատությունները կրկին իրենց հյուրընկալ դռները բացեցին նախադպրոցական ու դպրոցական տարիքի երեխաների և ուսանողների առջև:



Վայոց ձորի մարզպետ Կոլյա Միքաելյանը հյուրընկալել է ՀՀ -ում Ֆրանսիայի դեսպանության ներկայացուցչին

Սեպտեմբերի 1-ին Վայոց ձորի մարզպետ Կոլյա Միքաելյանը մարզպետի աշխատակազմում հյուրընկալել է ՀՀ-ում Ֆրանսիայի դեսպանության Մշակույթի և համագործակցության հարցերով խորհրդականի տեղակալ և կրթական համագործակցության հարցերով կցորդ Դոմինիկ Վեսին և քաղաքացիական կամավորների:

Ֆրանսիացի հյուրերի այցի նպատակն էր քննարկել Վայոց ձորի մարզում ֆրանսերենի ուսուցման, ֆրանկոֆոն մշակույթի արժեքների տարածման հարցերը, ինչպես նաև ներկայացնել Ֆրանսիական քաղաքացիական կամավորին, ով դեսպանության հովանու ներքո Վայոց ձորի մարզում կծավալի կամավորական աշխատանքներ ֆրանկոֆոնիայի զարգացման և տարածման նպատակով:


Մարզպետ Կոլյա Միքաելյանը նշել է, որ Հայաստանի և Ֆրանսիայի միջև համագործակցությունը և բարեկամական հարաբերությունները խարսխված են ամուր հիմքերի, ընդհանուր արժեքների և փոխադարձ հետաքրքրությունների վրա և ունեն զարգացման լայն հեռանկարներ: Այն դրսևորվում է նաև տարածաշրջանային մակարդակում տարբեր ուղղություններով, ուստի կարևորվում են նաև ապակենտրոնացված համագործակցության ակտիվացման ու ներուժի օգտագործման հնարավորությունները:

Քննարկման առանցքային թեման կրթության ոլորտում իրականացվելիք ծրագրերն էին, ուստի ներկայացվեց մարզի հանրակրթական ուսումնական հաստատություններում ֆրանսերենի ուսուցման ընդհանուր պատկերը: 5 դպրոցում որպես օտար լեզու շուրջ 737 աշակերտի կողմից ուսումնասիրվում է ֆրանսերենը՝ Եղեգնաձորի թիվ 2 հիմնական, Զառիթափի, Աղնջաձորի, Բարձրունու և Գետափի միջնակարգ դպրոցները:

Դասանյութը մատուցվում է ժամանակակից մեթոդիկայով և նորագույն տեխնոլոգիաների կիրառմամբ: Ֆրանսերենի ուսուցիչները վերապատրաստում են անցել Ֆրանսիայի Հանրապետությունում՝ ՀՀ-ում Ֆրանսիայի դեսպանության աջակցությամբ, մասնակցել են հեռավար վերապատրաստումների, ինչպես նաև ՀՀ-ում իրականացվող ծրագրերին և վերապատրաստումներին:

Դոմինիկ Վեսը շնորհակալություն է հայտնել ընդունելության և այն ջանքերի համար, որ ներդրվում են մարզում ֆրանսերենի դասավանդման, տարածման, խնդիրների լուծման ուղղությամբ, ապա ներկայացրել է կամավորի աշխատանքի ընդհանուր ուղղությունները՝ կրթություն, մշակույթ, երիտասարդության ոլորտ:

Քննարկվել են համագործակցությանն առնչվող այլ ընթացակարգային հարցեր ևս:



Առողջ ապրելակերպի հանրային իրազեկման արշավը Վայոց ձորում

Սեպտեմբերի 9-ին Վայոց ձորի մարզի Արենի համայնքի Ռինդ բնակավայրում տեղի ունեցավ Առողջապահության նախարարության կողմից ՔՈԱՖ-ի և Պարենի համաշխարհային ծրագրի աջակցությամբ իրականացվող «Հանրային առողջության պահպանման» ծրագրի «Առողջ ապրելակերպի և ծխելու դեմ պայքարի միջոցառումների» շրջանակում հանրային իրազեկման արշավ:

Հայաստանի Հանրապետության 10 մարզերում և մայրաքաղաքում իրականացվող արշավների նպատակն է հանրության շրջանում բարձրացնել իրազեկվածությունն առողջ ապրելակերպի վերաբերյալ, խրախուսել առողջ սննդի պատրաստումը, ֆիզիկական ակտիվությունը և առողջ վարքագծի ձևավորումը:

Վայոցձորյան միջոցառմանը մասնակցում էին Արենի համայնքի բոլոր բնակավայրերի դպրոցականները:

Իրազեկման արշավը մեկնարկել է քայլերթով:

Միջոցառման մասնակիցներին ողջունել է Վայոց ձորի մարզպետի տեղակալ Արսեն Խաչատրյանը՝ կարևորելով առողջ ապրելակերպի գաղափարների տարածմանն ու սովորույթների արմատավորմանը միտված և արդեն գեղեցիկ ավանդույթ դարձած այս միջոցառման կազմակերպումը:

Միջոցառման կարևորագույն մասն էին նաև տեղեկատվական տաղավարները, որտեղ ներկայացվել են առողջ սննդի բաղադրատոմսեր, դրանց պատրաստման ընթացքը և արդյունքները: Մյուս տաղավարներում մասնակիցները հնարավորություն են ստացել տեղեկություններ ստանալ մասնագետներից՝ արյան զարկերակային ճնշման չափում, գլյուկոզի որոշում, մարմնի զանգվածի ինդեքսի որոշում և այլն:

Միջոցառման շրջանակներում անցկացվել են միջդպրոցական էստաֆետային խաղեր, առողջ սննդի վերաբերյալ վիկտորինա, մասնակից դպրոցները ներկայացրել են տեղեկատվական պաստառներ: Միջոցառումն ուղեկցվել է խմբային պարերով, գեղարվեստական կատարումներով:

Նոյեմբերի 11-ին Առողջապահության ազգային իստիտուտում անցկացվեց արշավների փակման արարողությունը, որի ընթացքում ՀՀ Վայոց ձորի մարզը արժանացավ շնորհակալագրերի 3 անվանակարգերում:

1. <<Լավագույն ստոմատոլոգիական տաղավար>>
2. <<Լավագույն ազգային երգ ու պար>>
3. <<Լավագույն գործընկեր մարզ>>



<<100 դղանջ կրթության լույսով>> խորագրով միջոցառում

Նոյեմբերի 2-ին <<100 դղանջ կրթության լույսով>> խորագրով միջոցառման շրջանակներում նշվել է ՀՀ Վայոց ձորի մարզի Հերիերի միջնակարգ դպրոցի հիմնադրման 100-ամյակը:

Դպրոցի ամենատարեց շրջանավարտի կողմից բացվել է դպրոցի հիմնադրման 100-ամյակին նվիրված խաչքարը: Այնուհետև հնչել են ելույթներ և շնորհավորական խոսքեր հյուրերի, նախկին և ներկա ուսուցիչների, շրջանավարտների կողմից. . .

Ներկայացվել է նաև <<Անցյալի ուղիներով>> խորագրով խոսուն ցուցադրություն՝ լուսանկարներ, դասամատյաններ, փաստաթղթեր, հիշողությունների և իրադարձությունների մի ամբողջ պատմություն, որ այսօր էլ շարունակվում է և ունենալու է իր շարունակությունը. . .

Տոնական միջոցառումն ուղեկցվել է Հերիերին բնորոշ ավանդական ուտեստների հյուրասիրությամբ և համերգային մասով:



<<Ճակատագրով ուսուցիչ>> խորագրով միջոցառում Աղավնաձորի միջնակարգ դպրոցում

Նոյեմբերի 7-ին ՀՀ Վայոց ձորի մարզի Աղավնաձորի Գ. Գրիգորյանի անվան միջնակարգ դպրոցում մեծ հանդիսավորությամբ նշվեց դպրոցի վաստակաշատ ուսուցչուհի Սոնիկ Եղյանի ծննդյան 90-ամյակը:

Միջոցառմանը ներկա էին ՀՀ Վայոց ձորի մարզպետ Վահագն Արսենյանը, մարզպետի տեղակալ Վասիլ Ասլանյանը, Արենի համայնքի ղեկավար Հուսիկ Սահակյանը, դպրոցի՝ տարբեր տարիների ուսուցիչներ, շրջանավարտներ, հյուրեր:

Հնչել են գնահատանքի և երախտագիտության խոսքեր, արժևորել են ուսուցչուհու՝ սերունդների կրթության և դաստիարակության գործում ներդրած ջանքերը:

Վաստակաշատ ուսուցչուհի Սոնիկ Եղյանը երկարամյա բարեխիղճ և նվիրված աշխատանքի համար Վայոց ձորի մարզպետ Վահագն Արսենյանի կողմից արժանացել է շնորհակալագրի:



Արենիի միջնակարգ դպրոցը նշեց 60-ամյա հոբելյանը

Նոյեմբերի 22-ին << 60 տարվա լուսավոր ուղի>> խորագրի ներքո Վայոց ձորի մարզի Արենիի միջնակարգ դպրոցում մեծ շուքով և հանդիսավորությամբ նշվեց կրթօջախի 60-ամյա հոբելյանը: Տոնական միջոցառմանը մասնակցում էին հյուրեր, ուսուցիչներ, տարբեր տարիների շրջանավարտներ. . .

Օրվա խորհրդին համահունչ՝ կրթօջախում ներկայացվել էր տպավորիչ ցուցադրություն՝ լուսանկարներ, խորհրդանշական պարագաներ և իրեր, որոնք ամփոփում էին վեց տասնամյակների մի ամբողջ տարեգրություն, հիշողությունների, իրադարձությունների, հաղթանակների և ձեռքբերումների մի ամբողջ շղթա, որը դեռ բազում համալրումներ է ունենալու. . .

Հնչել են ելույթներ և շնորհավորական խոսքեր հյուրերի, նախկին և ներկա ուսուցիչների, շրջանավարտների կողմից, ներկայացվել են գեղեցիկ հիշողություններ, գեղարվեստական կատարումներ:

Միջոցառման շրջանակներում անցկացվել է նաև պանելային քննարկում. դպրոցի տարբեր տարիների շրջանավարտները խոսել են կրթության դերի և նշանակության մասին, կարևորել անհատի՝ հաջողությունների կերտման ճանապարհին դպրոցական տարիներին ստացած գիտելիքները և դասերը:



Աշունը հույսի, վստահության և խաղաղության կամուրջ» խորագրով միջոցառում Գնդեվազի միջնակարգ դպրոցում

Վայոց ձորի մարզի Գնդեվազի միջնակարգ դպրոցը կազմակերպել էր «Աշունը հույսի, վստահության և խաղաղության կամուրջ» խորագրով միջոցառում: Այդ օրը դպրոցում աշնանային ներկապնակի հարուստ գույներին և թեմատիկ ձևավորումներին կազմակերպիչները գեղարվեստական ուրույն լուծումներով հմտորեն համադրել էին անուշաբույր ավանդական ուտեստները, աշնան առատ բերք ու բարիքը, ժողովրդական կենցաղը և սովորությունները պատկերող դրվագները, երգն ու պարը: Եվ այս ամենն <<Անվտանգ և ապահով կրթական միջավայրի տարվա>> շրջանակներում այն դիտարկմամբ, որ բերք ու բարիք, արժեք ու արդյունք ստեղծվում, արարվում են ապահով, խաղաղ և անվտանգ միջավայրում: Հնչած ելույթներում կարևորվել է աշակերտների գեղագիտական դաստիարակությանը, ժողովրդական հարուստ ավանդույթների արժևորմանն ուղղված նախաձեռնությունների իրականացումը:



ՍՊՈՐՏ

Ըստ ժամանակացույցի Վայոց ձորի մարզում անցկացվել են «ՀՀ վարչապետի գավաթ» մարզական միջոցառումներ, ֆուտբոլի, բասկետբոլի, վոլեյբոլի, շախմատի առաջնություններ, հուշամրցաշարեր, դպրոցականների սպորտլանդիաներ, սպարտակիադաներ, ռազմամարզական խաղեր:

«ՀՀ վարչապետի գավաթ» խճուղային հեծանվապաշտի սիրողական մրցաշարը երկրորդ անգամ անցկացվել է դպրոցականների համար

Դպրոցականների շրջանում հեծանվային սպորտի և առողջ ապրելակերպի մասսայականացման, ֆիզկուլտուրայի և սպորտի քարոզչության նպատակով **սեպտեմբերի 13-ին** Գեղարքունիքի մարզում՝ Սևանա լճի թերակղզուց դեպի Շողակաթ բնակավայր՝ 40 կմ ճանապարհահատվածում, անցկացվել է «ՀՀ վարչապետի գավաթ» խճուղային հեծանվապաշտի սիրողական մրցաշարի **եզրափակիչ փուլը**:

Մրցաշարն անցկացվել է 2 տարիքային խմբերով. մասնակցել են ՀՀ հանրակրթական ուսումնական հաստատությունների 7-9-րդ և 10-12-րդ դասարանների աշակերտներից կազմված հավաքական թիմերը. 1-ին տարիքային խումբ՝ 7-9-րդ դասարանների աշակերտներ (թիմի կազմում՝ 1 տղա, 1 աղջիկ և 1 ֆիզկուլտուրայի ուսուցիչ), 2-րդ տարիքային խումբ՝ 10-12-րդ դասարանների աշակերտներ (թիմի կազմում՝ 2 տղա, 2 աղջիկ և 1 ֆիզկուլտուրայի ուսուցիչ):

ՀՀ վարչապետի գավաթ <<խճուղային հեծանվապաշտի>> հանրապետական փուլի թիմային առաջնությանը երկու տարիքային խմբերում ՀՀ Վայոց ձորի մարզից մասնակցում էին Աղավնաձորի և Արենիի միջնակարգ դպրոցների թիմերը:

Ընդհանուր թիմային հաշվարկով Աղավնաձորի դպրոցի թիմը /առաջին տարիքային խումբ/ գրավեց **8-րդ տեղը**, իսկ Արենիի թիմը՝ **5-րդ տեղը**:



Վայոց ձորի մարզում Հայաստանի Հանրապետության վարչապետի հովանու ներքո անցկացվող «Դպրոցականների վոլեյբոլի լիգա» մարզական խաղերի համայնքային փուլ

Նոյեմբերի 5-ին Վայոց ձորի մարզում՝ Զերմուկի կրթահամալիրում, Վայոց ձորի մարզպետի աշխատակազմի կրթության, մշակույթի և սպորտի վարչության համակարգմամբ մեկնարկել է ՀՀ վարչապետի հովանու ներքո անցկացվող «Դպրոցականների վոլեյբոլի լիգա» մարզական խաղերի 1-ին՝ **համայնքային փուլը**: Մրցաշարն անցկացվում է դպրոցականների շրջանում վոլեյբոլ մարզաձևի զարգացման, տաղանդավոր, հեռանկար ունեցող մարզիկների հայտնաբերման, դպրոցահասակ երեխաների առողջության ամրապնդման, առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացման, ֆիզիկապես առողջ և բարոյապես կայուն սերնդի ձևավորման նպատակով:

Անցկացվում է 3 փուլով՝ համայնքային, մարզային և եզրափակիչ:

Վոլեյբոլի լիգան անցկացվում է 2 տարիքային խմբերի դպրոցականների միջև՝

- 6-7-րդ դասարաններ
- 8-9-րդ դասարաններ



Հայաստանի Հանրապետության վարչապետի հովանու ներքո անցկացվող <<Դպրոցականների վոլեյբոլի լիգա>> մարզական խաղերի՝ Վայոց ձորի մարզի տարածաշրջանային փուլի արդյունքներ

ՀՀ Վայոց ձորի մարզում **նոյեմբերի 24-ին** ավարտվել է ՀՀ վարչապետի հովանու ներքո անցկացվող <<Վոլեյբոլի լիգա>> մարզական խաղերի **տարածաշրջանային փուլը**:

Զերմուկի տարածաշրջանում 8-9-րդ դասարանների տարիքային խմբում հաղթող է ճանաչվել Զերմուկի կրթահամալիրի թիմը, 6-7-րդ դասարանների տարիքային խմբում՝ Զերմուկի թիվ 3 միջնակարգ դպրոցի թիմը:

Վայքի տարածաշրջանում 2 տարիքային խմբերում էլ լավագույն արդյունքներ ցուցաբերել են Վայքի հիմնական դպրոցի թիմերը:

Եղեգնաձորի տարածաշրջանում 8-9-րդ դասարանների տարիքային խմբում հաղթել է Ելփինի միջնակարգ դպրոցը, իսկ 6-7-րդ դասարանների տարիքային խմբում՝ Գետափի միջնակարգ դպրոցը:

**Հայաստանի Հանրապետության վարչապետի հովանու ներքո անցկացվող
<<Դպրոցականների վոլեյբոլի լիգա>> մարզական խաղերի մարզային փուլի
մրցույթներ**

Նոյեմբերի 27-ին և 28-ին Վայքի մարզադպրոցում Վայոց ձորի մարզպետի աշխատակազմի կրթության, մշակույթի և սպորտի վարչության համակարգմամբ տեղի ունեցան ՀՀ վարչապետի հովանու ներքո անցկացվող <<Դպրոցականների վոլեյբոլի լիգա>> մարզական խաղերի մարզային փուլի մրցույթները:

6-7-րդ դասարանների տարիքային խմբում լավագույնը Վայքի հիմնական դպրոցի թիմն էր: 2-րդ հորիզոնականը զբաղեցրեց Գետափի միջնակարգ դպրոցի թիմը, իսկ 3-րդ հորիզոնականը՝ Ջերմուկի թիվ 3 միջնակարգ դպրոցի թիմը:

8-9-րդ դասարանների տարիքային խմբում լավագույն արդյունք ցուցաբերեց կրկին Վայքի հիմնական դպրոցի թիմը, իսկ 2-րդ և 3-րդ տեղերը գրավեցին համապատասխանաբար Ելփինի միջնակարգ դպրոցի և Ջերմուկի կրթահամալիրի թիմերը:

Մրցանակային տեղեր գրաված բոլոր դպրոցների թիմերն արժանացել են ԿԳՄՍՆ համապատասխան կարգի հավաստագրերի և գավաթների:

Տարիքային երկու խմբերում էլ առաջին հորիզոնականը գրաված Վայքի հիմնական դպրոցի թիմերը դեկտեմբերի 20-ին մասնակցեցին Երևանում անցկացվող եզրափակիչ փուլի խաղերին, սակայն մրցանակային տեղեր չեն զբաղեցրել:

Թիմերը ԿԳՄՍ նախարարության կողմից պարգևատրվել են սպորտային համազգեստով և 18 վոլեյբոլի գնդակներով:

ՀՀ վարչապետի հովանու ներքո անցկացվող <<Դպրոցականների վոլեյբոլի լիգա>> մարզական խաղերը նպատակ ունեն զարգացնել և մասսայականացնել դպրոցականների շրջանում վոլեյբոլ մարզաձևը, հայտնաբերել տաղանդավոր մարզիկներին, ամրապնդել դպրոցահասակ երեխաների առողջությունը, ձևավորել ֆիզիկապես առողջ և կայուն սերունդ և այլն:





«ՀՀ վարչապետի գավաթ» սիրողական լողի մրցաշար

Լող- 26. 10. 2025թ. /մարզային փուլ /

Մարզային փուլը անց է կացվել Արարատի մարզի Արարատ քաղաքում, որին մասնակցում էին 16 դպրոցականներ:

Թիմը չձևավորվեց և ՀՀ Վայոց ձորի մարզը չի մասնակցել եզրափակիչ փուլին:



<<< մարզերի և Երևան քաղաքի հանրակրթական դպրոցների 7-12-րդ դասարանների աշակերտների Սպարտակիադա>> մարզական միջոցառման մարզային փուլի արդյունքները

1. Ֆուտբոլ /<< Սպարտակիադա>> / - 27. 09.2025թ. /ք.Եղեգնաձոր, մարզային փուլ/

Սպարտակիադայի ծրագրով անցկացվող Ֆուտբոլի մրցույթի մարզային փուլին մասնակցում էին 14 թիմեր: Եզրափակչում հանդիպեցին Աղավնաձորի և Արենիի միջնակարգ դպրոցների թիմերը: Համառ պայքարում Արենիի դպրոցի թիմը 6:4 հաշվով հաղթանակ տարավ և իրավունք ստացավ մասնակցելու միջմարզային փուլին:

Ֆուտբոլ - 01.10.2025թ. /ք. Եղեգնաձոր, միջմարզային փուլ/

Միջմարզային փուլին մասնակցում էին Սյունիքի, Վայոց ձորի և Արարատի մարզի հաղթող դպրոցների թիմերը: Մրցույթում հաղթող ճանաչվեց Սյունիքի մարզի թիմը:

Վայոց ձորի մարզի թիմը գրավեց 2-րդ տեղը:

2. Վոլեյբոլ /<< Սպարտակիադա>> / - 7.10-8.10.2025թ. /մարզային փուլ/

Վոլեյբոլի մարզային փուլին մասնակցում էին 6 տղաների և 6 աղջիկների թիմերը: Հաղթողներ ճանաչվեցին Եղեգնաձորի վարժարանի տղաների և աղջիկների թիմերը:

Վոլեյբոլ - 14.10 .2025թ. /ք. Եղեգնաձոր, միջմարզային փուլ/

Միջմարզային փուլում հաղթողներ ճանաչվեցին Սյունիքի թիմերը:

Եղեգնաձորի վարժարանի տղաների և աղջիկների թիմերը գրավեցին 2-րդ տեղերը:

3. Բասկետբոլ /<<Սպարտակիադա>>/ -09.10.2025թ. /ք.Վայք , մարզային փուլ/

Բասկետբոլի մարզային փուլին մասնակցում էին 8 տղաների և 6 աղջիկների թիմերը: Հաղթողներ ճանաչվեցին Արփիի Վահիկ Լևոնյանի անվան միջնակարգ դպրոցի տղաների և աղջիկների թիմերը:

Բասկետբոլ - 21.10.2025թ. /ք.Վայք, միջմարզային փուլ/

Վայքում կայացած բասկետբոլի միջմարզային փուլում հաղթողներ ճանաչվեցին Սյունիքի տղաների և աղջիկների թիմերը:

Արփիի տղաների և աղջիկների թիմերը միջմարզային փուլում գրավեցին 2-րդ տեղը:

2025 թվականին անցկացվող Նախագորակոչային և զորակոչային տարիքի երիտասարդության հանրապետական ռազմամարզական խաղեր

Ռազմամարզական խաղեր 25. 09.2025թ. /Եղեգնաձորի տարածաշրջան/

Ռազմամարզական խաղեր 30. 09.2025թ. /Վայքի տարածաշրջան/

Եղեգնաձորի և Վայքի տարածաշրջաններում ռազմամարզական խաղերին մասնակցել են 22 դպրոցներից 198 մասնակիցներ: Եղեգնաձորի տարածաշրջանում մասնակցել են 14 դպրոցներ, որտեղ հաղթողներ են ճանաչվել Արենիի միջնակարգ դպրոցի և Եղեգնաձորի վարժարանի թիմերը: Վայքի տարածաշրջանում մասնակցել են 8 դպրոցներ և հաղթողներ են ճանաչվել Ջերմուկի թիվ 3 և Խնձորուտի միջնակարգ դպրոցների թիմերը:

ԿԳՄՍ նախարարի հրամանով 2025 թվականին անցկացվող Նախագորակոչային և զորակոչային տարիքի երիտասարդության հանրապետական ռազմամարզական խաղերի 3-րդ և 4-րդ փուլերը չեն անցկացվել:

ՀՀ կրթության, գիտության, մշակույթի և սպորտի նախարարի 2024 թվականի նոյեմբերի 20-ի № 2136-Ա/2 հրամանով հաստատված կանոնակարգի համաձայն՝ 2025 թվականին անցկացվող Նախագորակոչային և զորակոչային տարիքի երիտասարդության հանրապետական ռազմամարզական խաղերը չեն իրականացվել, քանի որ ծառայություն մատուցող կազմակերպության հետ պայմանագիրը միակողմանի լուծվել է:

<<< դպրոցականների ֆիզկուլտուրա առարկայի ստուգատես>>

2025 թվականի նոյեմբերի 19-20-ը Վանաձոր քաղաքում տեղի ունեցավ <<<< դպրոցականների ֆիզկուլտուրա առարկայի ստուգատես>> մրցույթի եզրափակիչ մրցույթը: Մեր մարզը ներկայացնում էին Եղեգիսի, Արենիի միջնակարգ և Եղեգնաձորի թիվ 2 հիմնական դպրոցների թիմերը: Ընդհանուր թիմային հաշվարկով թիմը գրավեց 6-րդ տեղը:

**<<Եղեգնաձորի երաժշտական դպրոց>> ՊՈԱԿ-ի 2025 թվականի երկրորդ
կիսամյակում կատարած աշխատանքների վերաբերյալ**

2025 թվականի 2-րդ կիսամյակի ընթացքում դպրոցն ակտիվորեն մասնակցել է մարզի մի շարք մշակութային օջախների կողմից կազմակերպված միջոցառումներին:

Մասնավորապես՝ Եղեգնաձորի երակրագիտական թանգարանում կայացած Եվրոպական Միության Առաքելության գրասենյակի կողմից կազմակերպված Մարդու իրավունքների միջազգային օրվան նվիրված նկարչական աշխատանքների և լուսանկարների ցուցահանդեսին, որտեղ Եղեգնաձորի երաժշտական դպրոցի համույթի մասնակից աշակերտներին և դպրոցին տրվել են շնորհակալագրեր:

Կազմակերպվել են նաև համերգներ՝ նվիրված Գիտելիքի, Ուսուցչի օրվան և Ամանորին: <<Հայրենիքն, արվեստ ու ես>> մրցույթ-ստուգատեսի մրցութային փուլերի ընթացքում անցկացվեցին վարպետաց դասեր և մասնագիտական խորհրդատվություն՝ առ աջատար մասնագետների մասնակցությամբ:

Ծրագրի շրջանակներում դպրոցը սիրով հյուրընկալեց մասնագետներ Արմինե Պողոսյանին /դաշնամուր/, Աստղիկ Մկրտչյանին /ջութակ/, Տիգրան Հեքեքյանին /երգչախմբային արվեստ/ և Ծովինար Հովհաննիսյանին /քանոն/:

Դասալսումները դիտարկվում են որպես մանկավարժների վերապատրաստման կարևոր գործոն, հնարավորություն փորձի փոխանակման և մեթոդական կատարելագործման համար:

<<Հայրենիքն, արվեստ ու ես>> մրցույթ-ստուգատեսի մրցութային բոլոր փուլերը հաղթահարել և եզրափակիչ փուլում հաղթող է ճանաչվել Եղեգնաձորի երաժշտական դպրոցի սան Եվա Օհանյանը՝ արժանանալով 1-ին մրցանակի: Հաղթողին և ուսուցչին տրվել է դրամական մրցանակ, իսկ դպրոցին՝ շնորհակալագիր:

Եղեգնաձորի երաժշտական դպրոցի սաները մասնակցել են «Global Art Fest» միջազգային մրցույթ-փառատոնին և արժանացել պատվավոր մրցանակային տեղերի, իսկ ուսուցիչները և դպրոցը՝ շնորհակալագրերի:





«Եղեգնաձորի մշակույթի կենտրոն» ՊՈԱԿ-ում իրականացված միջոցառումներ (2025 թվական , 2-րդ կիսամյակ)

2025 թվականի 2-րդ կիսամյակի ընթացքում «Եղեգնաձորի մշակույթի կենտրոն» ՊՈԱԿ-ում կազմակերպվել են հետևյալ միջոցառումները.

09.07.2025թ. «Եղեգնաձորի մշակույթի կենտրոն» ՊՈԱԿ-ի «Ատկեն Արմենյան» երաժշտական ստուդիայի հաշվետու համերգ

31. 07. 2025թ. «Մոնտֆորտ» կամերային նվագախմբի համերգ

18. 09. 2025թ. «Արմատ» պարային համույթի մենահամերգ

18. 09. 2025թ. «Մալյան թատրոն» «Թումանյանական հեքիաթներ» ներկայացում

24. 09. 2025թ. «Արքայազն Միկին և նրա արկածները» մանկական թատրոն- ներկայացում:

01. 10. 2025թ. «Հայաստանի ազգային ակադեմիական երգչախումբ», գեղարվեստական ղեկավար եւ դիրիժոր՝ Հովհաննես Չեքիջյան:

16. 10. 2025թ. Վանաձորի «Կամերային նվագախմբի» համերգ:

07. 11. 2025թ. «Մոլորվածը» գեղարվեստական ֆիլմի ցուցադրություն:

27. 11. 2025թ. Սարգիս Ավետիսյանի մենահամերգ:

03. 12. 2025թ. «Եղեգնաձորի մշակույթի կենտրոն» ՊՈԱԿ –ի տնօրեն Մարո Սիմոնյանի հեղինակային երեկո:


09. 12. 2025թ. Ա. Սպենդիարյանի անվան օպերայի եւ բալետի ազգային ակադեմիական թատրոնի մենակատարների համերգ՝ նվիրված ԽՍՀՄ ժողովրդական արտիստ Գոհար Գասպարյանի 100- ամյակին:

13. 12. 2025թ. «Թանկարժեք տղաները» գեղարվեստական ֆիլմի ցուցադրություն:

24. 12. 2025թ. «Ամանորը Պինգվինաշենում» մանկական ամանորյա ներկայացում:

25. 12. 2025թ. Գևորգ Մկրտչյանի մենահամերգ:

30. 12. 2025թ. «Եղեգնաձորի մշակույթի կենտրոն» ՊՈԱԿ–ի «Ամանորյա երաժշտական հեքիաթ» համերգ:





«Եղեգնածորի երկրագիտական թանգարան» ՊՈԱԿ-ում 2025թ.-ի երկրորդ կիսամյակում կատարված աշխատանքները, միջոցառումները և համագործակցությունները

1. «Եղեգնածորի երկրագիտական թանգարան» ՊՈԱԿ-ը «Թանգարանային ամառ» միջոցառումների շրջանակում կազմակերպել է
 - ա/ կավագործության վարպետաց դասեր
 - բ/ ուլունքագործության վարպետաց դասեր
 - գ/ պիցցայի թխման վարպետաց դասեր
2. Համագործակցություն Շատիվանք վանական համալիրում պեղումներ իրականացնող արշավախմբի հետ:
3. Համագործակցություն Եղեգիս 1 քարայրում պեղումներ իրականացնող արշավախմբի հետ:
4. Մշտական ցուցադրության համալրում ժամանակակից տեխնոլոգիաներով. «Առասպելից անդին» անիմացիոն ֆիլմեր: Միջոցառում նվիրված նոր ցուցադրությանը:
5. «Եվրոպական ժառանգության օրեր» միջոցառման շրջանակներում «Վայոց ձորի ճարտարապետության գաղտնիքները» միջոցառում:
6. «Եվրոպական ժառանգության օրեր» միջոցառման շրջանակներում «Նորից վեր հառնող Շատիվանք» բանախոսություն և Շատիվանքից գտնված նոր նյութերի ցուցադրություն:
7. Ոչ նյութական մշակութային ժառանգության միջազգային օրվան նվիրված. «Արվեստներ և արհեստներ. ոչ նյութական ժառանգության ուղիներ» էքսպո ցուցահանդես:
8. Մարդու իրավունքների պաշտպանության միջազգային օրվան նվիրված ցուցահանդես. «Ինչպիսին է հավասարությունը» խորագրով:
9. «Ամանորյա հեքիաթ» միջոցառումների շարք:
10. Վերոնշյալ միջոցառումներին զուգահեռ՝ թանգարանում շարունակվում են հիմնական աշխատանքները՝ առարկաների մշակում, գրանցում, վերամշակում և թվայնացում, էքսկուրսիա, գիտական նյութերի մշակումներ:

